

# Fógra maidir le tionscadal beartaithe de bhun Rialachán 42(13) de Rialacháin an Aontais Eorpaigh (Éin agus Gnáthóga Nádúrtha), 2011 (S.I. Uimh. 477 de 2011)<sup>1</sup>

## I. An láthair, lena n-áirítear an baile fearainn agus an contae, lena mbaineann an t-iaratas

Tá an tionscadal beartaithe i mbailte fearainn an Churraichín agus an Churraichín Bheag i gContae Chiarraí.

## II. Nádúr agus méid an tionscadail atá beartaithe

Is é cuspóir na n-oibreacha atá beartaithe ná lochtanna ar oibreacha bunaidh a rinneadh i 2023 a leigheas chun cliseadh fána a leigheas laistigh de chuid de chlaífort ar bhóthar náisiúnta an N70 ag an láthair seo.

Tá sé beartaithe aghaidh a thabhairt ar chreimeadh, sciúradh agus sciorradh claífort agus cosc a chur ar é atarlú trí leaba shrutha agus bhruacha/toisí na gclaífort a threisiú le armúr carraige (de ghrád HMA300-1000) agus athphróifiliú na gclaífort, chomh maith le tanú na ciseal barrithir go 100mm ar fud (ach amháin nuair a bhíonn gá le doimhneacht níos mó le haghaidh plandáil crann/tor).

Déanfar toisí an tsruthchainéal a athbhunú de réir dhearadh na mbunoibreacha, m.sh. an t-ailíniú cothrománach reatha a chaomhnú thar a fhad de 49.75m agus leithead fliuchta sreafa íseal de 2.00m, agus leibhéal na leapa dearaidh a athchóiriú, le grádán tipiciúil de 1:20.82 (4.80%). Déanfar an 400mm barr d'ábhar an tsubstráit atá ann cheana a shábháil agus a athchur. Ina theannta sin, cuirfear isteach c. sé sciathchlár cloiche 1,500mm ar fad × 500mm ar leithead × 500mm ar doimhneacht (leabaithe 350mm ar doimhneacht i leaba shrutha) ó thaobhanna ailtéarnacha an chainéil, go hiondúil ag ionaid 7.5m. Cinnfear suíomh deiridh na sciathchláir agus an spásáil ar an láthair faoi mhaoirseacht agus comhairle ó éiceolaí an Chonraitheora agus Oifigeach Iascaigh ó Iascach Intíre Éireann (IIÉ). Tá na sciathchláir seo ceaptha chun sreafa lúbachta agus éagsúlacht a sholáthar chun ilchineálacht gnáthóg insrutha a spreagadh agus chun éascú le gluaiseacht éisc.

Tá tuilleadh sonraí ar nádúr agus ar mhéid na n-oibreacha cothabhála frithghníomhacha atá beartaithe i *gConradh Cothabhála Téarma na Mumhan Uimh. 4 – Lochtanna ar Chlaífort an Churraichín Bheag – Ráiteas Tionchair Natura* (Ath. 1, WS Atkins Ireland Limited, 9ú Aibreán 2024).

## III. Na cinní féideartha

Cinnfidh Bonneagar Iompair Éireann de bhun Rialachán 42(11) de Rialacháin an Aontais Eorpaigh (Éin agus Gnáthóga Nádúrtha) 2011 (S.I. Uimh. 477 de 2011) agus Airteagal 6(3) den Treoir maidir le Gnáthóga cibé an ndéanfadh nó nach ndéanfadh na hoibreacha cothabhála droichid frithghníomhach drochthionchar ar shláine láithreáin Eorpaigh.

## IV. Cá háit agus cén uair is féidir na doiciméid a fheiceáil

Is féidir an Ráiteas Tionchair Natura agus léarscáil an tionscadail atá beartaithe a fheiceáil ar líne ar shuíomh gréasáin Bhoneagar Iompair Éireann (<https://www.tii.ie/>).

Is féidir an Ráiteas Tionchair Natura agus léarscáil an tionscadail beartaithe a fheiceáil saor in aisce ach coinne a dhéanamh ag oifigí Bhoneagar Iompair Éireann ag an seoladh seo a leanas:

Ionad Gnó Gheata na Páirce,  
Sráid Gheata na Páirce,  
Baile Átha Cliath 8,

<sup>1</sup> Rialachán 42(13) de Rialacháin an Aontais Eorpaigh (Éin agus Gnáthóga Nádúrtha) 2011 (S.I. Uimh. 477 de 2011), arna ionadú ag Rialachán 6(b) de Rialacháin an Aontais Eorpaigh (Éin agus Gnáthóga Nádúrtha) (Leasú), 2021 S.I. Uimh. 293 de 2021).

D08 DK10,  
Éireann.

Is féidir coinní le breathnú a shocrú trí scríobh chuig an seoladh poist thuas nó ríomhphost a sheoladh chuig: [EnvironmentalPolicyCompliance@tii.ie](mailto:EnvironmentalPolicyCompliance@tii.ie)

Is féidir an Ráiteas Tionchair Natura agus léarscáil den tionscadal molta a cheannach freisin ar tháille nach mó ná an costas réasúnach a bhaineann lena leithéid a chur ar fáil. Is féidir iarratais ar chóipeanna crua a cheannach a dhéanamh chuig na seoltaí ríomhphoist agus poist thuas.

**V. Féadfaidh duine aighneachtaí nó tuairimí a chur faoi bhráid an údaráis phoiblí laistigh de 30 lá ó dháta an fhógra**

Féadfaidh an pobal aighneachtaí nó tuairimí a dhéanamh i scríbhinn maidir leis an tionscadal beartaithe (laistigh de 30 lá ó dháta an fhógra seo) chuig Bonneagar Iompair Éireann.

Is féidir aighneachtaí nó tuairimí a sheoladh trí ríomhphost chuig an seoladh ríomhphoist seo a leanas: [EnvironmentalPolicyCompliance@tii.ie](mailto:EnvironmentalPolicyCompliance@tii.ie)

Nó is féidir aighneachtaí nó tuairimí a sheoladh tríd an bpost chuig:

An Rannóg um Beartas Comhshaoil agus Comhlíonta,  
Bonneagar Iompair Éireann,  
Ionad Gnó Gheata na Páirce,  
Sráid Gheata na Páirce,  
Baile Átha Cliath 8,  
D08 DK10,  
Éireann.

**VI. Aon sonraí eile ar rannpháirtíocht an phobail**

Tabharfaidh Bonneagar Iompair Éireann aird ar aon aighneachtaí nó tuairimí a gheofar ón bpobal.

Déanfar sonraí pearsanta atá in aighneachtaí nó tuairimí a phróiseáil de réir Fhógra Cosanta Sonraí BIÉ atá ar fáil ar [www.tii.ie](http://www.tii.ie).

Féadfar aighneachtaí nó tuairimí a chur ar aghaidh chuig ár soláthraithe seirbhíse tríú páirtí, lena n-áirítear Atkins, lena n-anailís, lena mbreithniú agus lena bhfreagra. Féadfar anailís, breithniú agus freagairt den sórt sin a dhoiciméadú.

**VII. Aon fhaisnéis eile a mheasann an t-údarás poiblí a bheith ábhartha**

D'fhéadfadh roinnt faisnéise atá sa Ráiteas Tionchair Natura, dá gcuirfí ar fáil go poiblí é, a bheith ina riosca do chaomhnú speiceas nó gnáthóg faoi chosaint. Ar an ábhar sin, tá an fhaisnéis seo curtha in eagar. Tá sonraí pearsanta folaithe freisin de bhun cheanglais an Rialacháin Ghinearálta um Chosaint Sonraí.

Dáta: 23 Aibreán 2024.